

山川九

於潛縣

東山 在於潛縣治東二百餘步 咸淳志 山高五十丈周廻

四里 嘉靖於潛縣志

南陽山 在縣東南一里 咸淳志 山高八十丈周廻三里 嘉靖

於潛縣志

桃源山 在縣東二里 咸淳志 山高一百丈周廻三里 萬歷舊志

釋道潛曉發桃源寄端叔詩桃源渡頭雞一鳴舟子夜起趨南行泯泯河流浮六月蕭蕭岸木悲秋聲依人翡翠霜翎重拂棹芙蓉露蕊輕為報舊遊朝士說天街何似此中清

杭州府志 卷二十一 山川

鶴山 在縣東與石柱山相接 咸淳志 在縣東北三里高二

百三十丈周廻二十里 嘉靖於潛縣志

石柱山 在縣東北五里為縣主山上有石天然成柱高

二丈圍一丈 大清一統志 山高三百丈周廻十五里乃天目

所分之秀 嘉靖於潛縣志

按右二山畧偏東北而與桃源阿頂相望咸淳志謂在縣東因次于此

阿頂山 在縣東一十五里 咸淳志 過石柱山東十里許曰

阿頂山高一百丈周廻一里其植松多于杉杉多于桐桐

多于椿栗 萬歷舊志



落雲山 在縣東二十里 濛溪出此 大清一統志 山頂有仙

人臺臺上石棋盤下有石室廣十餘丈石室之前有石屏

風高數十仞又有走馬壇 咸淳志

翠峰山 在縣東三十里山水環集有重岡疊嶂之奇松

竹交翠舊蹟徧布真仙境也 古今圖書集成職方典

白石山 縣東印渚旁有白石山峻壁四十丈 太平寰宇記

金鷲山 在縣南一里 咸淳志 山高八十丈周廻二里 嘉靖於潛志

縣志 縣城自金鷲嶺而西由石龍口直抵縣後山 於潛縣志

鳳山 在縣南一里旁有道院 咸淳志 鳳凰山在治南二里

高二百丈周廻一百里又名橫山以其橫障一方也 嘉靖於潛志

杭州府志

卷二十一 山川

二

縣志

按縣西二十里又有鳳山此鳳山縣志加鳳字以別之

地風山 在縣南七里風多自穴中起 咸淳志 自白羊坪西

北十里為竺嶺又八里為地風山高一百五十丈周廻十

五里山多石穴風從之起 於潛縣志

金樓山 在縣南二十九里一名霞山 大清一統志 山高三

百丈周廻十五里山饒松竹茶栗間有桂栢薔薇 萬歷舊志

生仙山 在縣南三十里天師張道陵生于此山之西因

以名之 咸淳志 山高二十五丈周廻三里山下井傳為道陵

所... 於

按神仙傳稱道陵為沛國人施注蘇詩引張真人傳云
真人初隱天目漢章和二帝累召不起祝穆方輿勝覽
葛澧錢塘賦俱云道陵于天目飛昇天目綿亘甚廣此
山亦統名天目咸淳志蓋誤昇為生矣

丁峴山 在縣南三十五里咸淳志山高二百丈周廻二十

里嘉靖於潛縣志

牢山 在縣南三十五里上有龍池咸淳志山高五百丈咸化

舊志

按縣志載丁峴道里與咸淳志同至牢山在縣南五十
里據萬歷志云與丁峴相望者曰牢山二山相去不應

杭州府志

卷二十一 山川

三

若是之遠今從咸淳志

馬頭山 在縣南四十五里以形似名高一千二百丈周

四十五里泉甘土肥可以樹藝大清一統志釋貫休送僧入馬頭山詩

馬頭寶峰秀寒寒空有叟有叟真隱其中無味醍醐亦非
般若曰趾碧目數百瀟灑苦竹大于杉白熊臥如馬金鐘
撼壑布水噴瓦芙蓉堂開峰月入岳精踏雪立屋下伊余
解攀援已是非常者更有叟獨往來與我語情無剛強氣
透今古芒鞋籜觀竹笠簾補北風倒人乾露不聚滿
頭霜雪湯雪去湯雪去無人及空望真氣江上立

武勇山 在縣南四十七里咸淳志山高十五丈周廻五里

舊浙江通志

澗湖山 去縣南五十里高五百八十丈上有龍池澗數

丈深不可測雖旱不竭有禱必應每風雨陰雲出焉咸化舊志

雲湖山 在縣南潛川後鄉之伍村因與木嶺間湖山遙

對俗遂名外間湖山按宋遺碑則稱雲湖山特聳雙巒直

插雲表屹然與天目爭高伍涵芬雲湖山記畧 伍安登

石當年煮尚堅洗耳不留 塵世事松陰高踞伴神仙

流襄山 在縣南五十里舊志云因堯時洪水為名咸淳志

山高五百丈周廻五十里嘉靖於潛縣志

白雲山 在縣南五十里巨巖州府分水縣境望之參天

稍陰翳則白雲瀾漫大清一統志高與馬頭山埒過冬則他

山未雪而此皓然舊志

烏石山 在縣南五十五里高一百丈周廻十里上奇峰

杭州府志 卷二十一 山川

四

壁立清泉出于巖下甚旱不竭於潛縣志

白山 在縣南五十八里上有浮石純白故名大清一統志

紫溪東南流逕白山之陰山甚峻極北臨紫溪水經注崖高

三十餘丈下臨深潭其上浮石或患氣疾浮腫擣碎煨服

之即愈咸淳志山周二十五里今謂之漆坑灣巖石巒岼下

臨紫溪石可煨土人利之開鑿無度下通行旅大石隕墜

常被其害萬歷三十六年沒入官禁止鑿石順治十二年

又勒石嚴禁焉於潛縣志白山與武勇間湖二山奇勝相亞盤

亘綿遠凡二百餘里讀史方輿紀要

長壽山 在縣南八十二里咸淳志山高五百八十八丈周廻

八十里境中諸山惟茲山最遠其廣亞于西目其高半于馬頭馬頭之高又半天目故茲山不得以高大顯舊志

按於潛縣南至嚴州府分水縣界六十里咸淳志作五十七里良梅山乃去縣南八十二里是其逾縣境已二十五里矣此處當有傳說

青山 在縣西南二十里大清一統志郡國志云青山有石

穴冬夏常暖石色如黛故號曰青山太平寰宇記山高二百丈

周廻十里峰與縣學相對咸化舊志青山有吳均故宅後改為

吳均山釋皎然杼山寄東峪吳處士詩自注故鄣縣東三十五里有青山絕

壁千天孤峰入漢綠嶂百重清川萬轉歸飛之鳥千翼競

杭州府志

卷二十一 山川

五

來企水之援百臂相接秋露為霜春蘿被逕風雨如晦雞

鳴不已信足蕩景頤物悟衷散賞吳均與施從事書吳

烟竹中窺落日鳥向簷上飛雲從窻裏出綠竹可充食女蘿可代裙中山自有宅桂樹籠青雲

獨角山 在縣西南三十里咸淳志山高五百丈周廻二十

七里其絕高處為黃仙頂下臨梅溪於潛縣志山自白沙關委

折以來為縣南偏第二列之盡麓峩峩特立旁無連綴章國

佐梅溪記

浪山 在縣西南三十五里上有三池相接在絕壁間奔

流如瀑古木交陰山後有柯侯潭每陰晦潭中浪與山相

連亦名波山西去昌化縣三十里大清一統志每縣之西南

隅雲滂然而興稚耄必譁曰浪山雨來矣咸淳志山高五百

五十丈周迴二十里嘉靖於潛縣志

岸粵山 在縣西二里吳興記云山東臨縣之西溪有絕

壁高四十丈許上可安千人謝安嘗登之箕踞曰伯昏瞀

人何以過是也太平寰宇記一云山本在太湖中禹治水移于

此太平御覽岸粵者山之高峻貌也其山峭聳清絕下浸碧溪

旁連翠岫遙望天目為醒心豁目傑特之觀名山記東面有

石壁其腰有路可通車馬見于林樾掩映間又南北有路

登山如運葉丞相衡為今日有名作小飛來之句山北有

石塔三旁有古松偃覆如蓋咸淳志山高六十丈周迴十二

杭州府志 卷二十一 山川 六

里又名小飛來東面石壁有橋路可通即飛來橋也今已

斷塞嘉靖於潛縣志洪谷夔遊岸粵山詩驟暖偃芳草

薄遊烘軟塵亂山雲氣曉啼鳥杏花春人物少催老

鑿山 在縣西七里亦巖嶺之類咸淳志山高一百丈周迴

五里萬歷舊志

西菩山 在縣西十三里九嶺交陳兩峰對峙中有飛泉

三疊怪石萬狀其西有煉丹巖下有石室大清一統志山高

三百二十丈常現菩薩像因以名山咸化舊志

柱石山 在縣西一十五里交溪之上咸化舊志山高五十丈

周迴四里萬歷舊志蘇軾山村五絕句詩竹籬茅舍趁

起處是人家烟雨濛濛雞犬聲有生何處不安生但知黃
犢無人佩布穀何勞也勸耕老翁七十自腰鎌慙愧香山
笋蕨甜豈是聞韶解忘味邇來三月食無鹽杖藜裹飯去
悠悠過眼青錢轉手空贏得兒童語音好一年強半在城
中竊祿忘歸我自羞豐年底事汝憂愁
不須更待飛鳶墮方念平生馬少游

鳳山 在縣西二十里高一百五十丈周廻四十五里近

太陽巖其形如鳳故名嘉靖於潛縣志鳳山與西菩柱石二山皆

處縣西偏視南北諸山勢若降伏萬歷舊志賈似道鳳

村裏幾處牛羊落照中客久不歸心事遠梧桐葉葉是秋

風董搏霄鳳山詩太陽山色翠涵秋山下黃雲稻欲收

江漢未清勞國賦敢辭衰病擁貔貅

觀山 在縣西北二里咸淳志懸雷山吳興記云山上有懸

雷故名太平寰宇記觀山一名元雷山在縣西波亭後鄉成化舊志

杭州府志

卷二十一

山川

山高四十丈周廻五里上有井相傳許邁鑿於潛縣志

山詩水色山光照眼明隔溪遙見白雲生崖根凍雪留人

跡林外春風變鳥聲夢草得詩清入骨煮茶聽話淡忘情

飛來橋上歸時晚回首翠微松崔吟

按臨安縣有懸雷山為晉許邁遺跡樂史寰宇記載屬

於潛臨安為於潛分縣此山前屬於潛後屬臨安樂志

引吳興記其時尚未分縣也今分著

甲子山 在縣西北三里咸淳志山高一百五十丈周廻十

里萬歷舊志

天目山 山有兩目在臨安者曰東天目在於潛者曰西

天目即古浮玉山也西天目去於潛縣北四十五里有十

二龍潭三十六洞其峰有翔鳳天柱玉柱香爐象鼻其巖有獅子響水紫微芝草其水有冷水谷龍穴其石有石城石門石室石鼓石版泉石之勝冠于東南大清一統志句餘

山東五百里曰浮玉之山北望具區東望諸毘茗水出于其陰北流注于具區山海經於灄縣有天目山隋書地理志天目

與宣城懷安並分山為界山謙之吳地記山極高峻崖嶺竦疊西

臨後澗上有翔鳳林東面有瀑布下注深沼名曰蛟龍池

水經注有兩峰峰頂各一池左右相對名曰天目元和郡縣志上

有美石泉水名茶太平寰宇記山高萬六千丈父老云欲度難

及避水災天目海陵山為第一施宿蘇詩注山高三千九

杭州府志

卷二十一 山川

百丈廣五百五十里水因山曲折東西有巨源若目然東

出臨安為大溪益東流而為茗水西趨於潛為紫溪合桐

廬水以滙于浙江咸淳志引太平寰宇記第三十四洞天天目山有

兩目左目高三千丈右目高二千五百丈周廻一百里名

太微元蓋洞天道藏洞淵集天目山有洞府三十六所嘗有徐

伍仙張道陵飛昇方輿勝覽近世道士唐子霞謂圖經天目山

一名浮玉山其山連亘杭宜湖徽四州周廻二千里上有

養生之藥咸淳志西峰上有十二潭為神龍所都人往稍深

則有風雨雷電或雲氣一縷稍見則致不測山中寒氣早

嚴山曾至九月即不敢出冬來積雪三月後方可通行吳興

湖濶漂駛森茫遠輪紆東逝永辭天墟
長行浪澗瀕淪渚為後湖于是水蟲
蟾諸鰓變鯨鯨駁人淵客呀呷齟齬
珍木敷榮璠幽藻生琅玕翠蔭珊瑚
日精灌林芴蕞葩華掩會糾枝籠房
風流晚靄隨波澹池婀娜昂昂滄彩
嚶吟颯瀏燥慨經宛阻抑或象竿籟
馮虛聽響使人心憤膺隸獲父狄雖
冊峻齟齬斷生喘裂皆互瞰驚透護
隋岸稊蒙茸懸絕潤羣俊逾健燦今
周覽堂密隙隕瀾隨芳艸靡施秋蘭
胡繩楚蕩江離蔕蔕絢綉舞秋蘭
鷓鴣羣遊歷揚輶翼麟視啣咋毳
起鳩戴鴛石鳥鶯斯蒼鷺散陸離
之賂金鑛涵樓雲精燭光瓊枝昭
赤瑕流黃嶼嶼山峇衍溢玻璃岸
潮濤光彩彩蠟燭于是乎嶽靈擁
儂輝輝泰乙薦鴻祇卮葦廉翔蚩
旋電掣陽噬陰沍燄奕傑恍萃于
老瓊琦偉長雙額日表方瞳星爛
鮒姿雲裊宏懿儼雅俶

杭州府志

卷二十一

山川

十

儻要藐徊翔子道德之林獵弋乎
有亡與問閭之變態錫美餘恤不
昆揚昭代金紫璧耀冠蓋雲屯擬
肆志乎游覽履巍邁步漫漫坐穹
援曳綠邛之杖踐赤王之鳥浩浩
局美門安期或命石髓或翳紫芝
清昌光鬱麒麟游鳳凰至黃英生
增醜風雲交通鼓舞怵會信壯乎
萬歲陶潛問來使詩爾從山中來
意下今生幾紫菊薔薇葉已抽秋
山中酒應熟張萬頃天目山下作
使楚關淚添天目水髮變海頭山
還宜遊偏不樂長為憶慈顏蘇軾
上俯視雷雨每大雷電但聞雲中
也巳外浮名更外身區區雷電若
無限人間失著人洪咨夔天目招
天日之巔濤江綫橫兮海門濺濺
俯而搗兮巖以天井無聲之泉子
雲氣日兮天日之趾叠湫歎薄兮
睡蛟起可象而擾兮浴以天河倒

子兮采正雲氣吐兮天口之腹乳潭沉沉兮鴨潭想想徐
伍朝往而暮來兮雙碧鹿可挽而舞兮伯以天風步虛之
出此山地如邾魯始躋攀三池浚澤高岡上一勺為霖反
享間着脚不知蒼海近無心丘共白雲開何時結屋枕泉
玉滌盡塵根學大還 鄭玉題天目山詩勢壓東南萬象
低溟濛空翠望中迷龍飛鳳舞川原秀地下天高日月齊
武肅百年鎮霸氣文忠千古欠留題客來欲問青雲路鑿
破峻嶒便作梯 趙文昌天目山詩天目山前分兩乳一
脉西來纏右股湖流疑是武陵源入山絕似盤之阻椒巒
隱隱入霄漢從此上天纜尺五飛泉灑作千丈潭下有蛟
龍潛水府玉芝瑤草淨如拭不見塵寰一坏士三神山遠
未易到洞天只在溪之澗道人宴坐疑不動一榻雲烟幾
寒暑乍逢佳客喜盈顙上山下山若飛虎龜腸曠日好顏
色息鳥御風輕步武蹟紫蕪滌盈頃筐袖几腥羶不登沮
羸劉顛蹙問不知那識人間有簪組嗟子碌碌退不勇竊
食大官無寸補回頭四十九年非白髮手搔今可數山禽
喚我歸去來口未及言心已許長安冠蓋多豪傑誰肯論
交到爾汝 錢惟善禱雨天目龍池雨足被旨降香來謝
詩萬山深處又重來天目雲頭未放開盡喜山田榮穰稔

杭州府志

卷二十一 山川

十一

那憂石徑濕莓苔鐵冠道士今何在玉局仙翁久不回惟
有洞中龍應禱果能因旱起風雷 釋明本天目詩一山
未盡一山登百里全無半里平疑是老僧遙指處只堪圖
畫不堪行 張羽天目山詩東西峯對峙麋鹿日成羣四
月猶飛雪半山長是雲洞香仙藥遍天黑聖燈分千古錢
塘勝登臨第一峯萬道飛霞光福地千章嘉木翳層空纍纍
得登臨第一峯萬道飛霞光福地千章嘉木翳層空纍纍
怪石朝羣獸落落寒泉迸亂虹老我大開觀物眼乾坤都
在一 襄中

按山海經言諸毗凡五在南經者二其二在極西其一
在極北諸毘非指一山一水也 詩天子是毗無為夸毗

一訓為輔一訓為附蓋凡所在 諸小山輔附于大山者

均以諸毗稱天目自於潛東趨錢塘連峰亘阜時或傑

起臨安餘杭之天柱大滌徑山錢塘之武林界石及海

寧之海門所謂諸毗也諸山皆去天目以東故經云東望諸毗浮玉山爲天目豈唐子霞之臆說哉若水是確証諸毗又一確証也子霞卽蘇詩所稱唐道人著有天目真境錄

浮玉山 在縣北七里山上有石可浮故名浮玉咸淳志山

高一百丈周廻十里嘉靖於潛縣志天目山古時但名浮玉寰宇

記記天目而不記浮玉各志遂于天目山後更列一浮玉

山非也石柱記箋釋

按杭郡諸山皆本于天目則皆得以浮玉之名繫之後世競立新名如於潛有浮玉山湖州孝豐縣亦有浮玉

杭州府志 卷二十一 山川 十一

山又臨安縣志云東目寶珠峰下有浮玉池昔傳有玉浮出故名與浮石之說同一荒陋

響山 在縣北一十六里咸淳志於潛山西四十里有晚山

山北十八里有響山人于山下語無大小響則隨聲曲折應之太平御覽引吳興記山高五十丈周廻五里萬歷舊志

按晚山今已分屬昌化其響山在山北十八里謂於潛

山北非晚山北也

馬鞍山 在縣北二十里高一百丈成化舊志

按倪氏古史攷以此作馬跡山陳氏舊志謂山周五里新縣志一作百里一作五百里當以陳志爲是

眉山 在縣北三十里 咸淳志 山高八百丈周廻百里 於潛志

縣志

墓山 在縣北三十五里有山名天王墓高百餘丈四面皆石壘圓聳如墓形其巔平地數畝常有流泉亢旱不竭下臨烏省溪有灘半里上有馬足跡大小數百深入寸許明淨可數世傳為會葬時人馬跡 咸淳志

閱武山 在縣北五十里千秋嶺泗洲菴後吳越王錢氏

置寨以禦江南李氏因以為名 咸淳志 山高三百丈周廻四

十里 萬歷舊志

翼翼山 於潛縣有翼翼山 宋書五行志

杭州府志 卷二十一 山川 三

按前志皆未收入今不知所在姑附于此

翔鳳林 天目山西臨後澗山上有霜木皆是數百年樹

謂之翔鳳林 水經注 在天目之東北其峰高峻類天柱廬阜

上有平地一千五百丈中兩湖乃天目也湖有魚不可捕

昔人見龍散子其中水分流下注東通蘇湖南迤杭睦西

派宣城北泝安吉上有古木參天鬱然又有龍鬚草覆地

逕險林叢人跡罕到 咸淳志

天柱峰 在天目絕頂上有二石直起千霄亦曰高峰 天目

山記 錢寬高峰詩亭畔屢徘徊 奇峰看未足山鳥似相迎振衣超林木

油上峰 天目山巔有仙丈峰千丈巖 吳興掌故 東上眉峰岡

岡顛皆奇石中有一峰獨聳上薄霄漢下眇江湖瞰金牛

鳳皇回龍諸山悉如蟻封而烟雲盡出其半題曰仙丈峰

名山勝概記 伍餘福題仙丈峰詩自是神龍十二宮 依然雙目與天通不知下界人多少都在白靈雲雨中

象鼻峰 形如象鼻與獅巖相對乃天目之絕景也 萬歷舊志

在高峰塔南四旁皆絕壁中有石乳下垂古老相傳峰下

有白猿玉瓶沉香三寶 天目山誌

香爐峰 在天目活埋菴之前如香爐狀 古今圖書集成職方典 從

山徑左上稍南有旭日峰西為紫微峰東北上有昭明峰

西為倚翠峰與倚翠相對者名花石峰右睨而可指者則

香爐峰也 方輿路程紀要

杭州府志 卷二十一 山川

西

聳壑峰 在立玉亭之北西方菴之東高聳峭拔石縫中

出奇松數本崖谷傾險人所罕到 天目山誌

蓮花峰 在縣北天目山支隴奇巒層疊二十餘里 大清

一統志 由無門菴而西奇峰疊秀狀如出水蓮花松檜森羅

仰不見日 天目山誌 錢惟善蓮峰贈天目周上人詩慣 聽黃梅嶺頭雨却臥青蓮峰頂雲手結茆菴終

作任身披芟製不曾焚六時漏學廬山刻十丈花 從太華分見說上人無所染定中往往對南薰

竺嶺 在縣南十五里高二百一十丈近嘉泰橋 嘉靖於潛縣志

牧嶺 在縣南四十里高五里 咸淳志

浮雲嶺 在縣東南四十里高二百五十丈接新城縣界

大清一統志 蘇軾捕蝗至浮雲嶺山行疲苦有懷子山弟詩二首西來烟陣塞空虛酒遍秋田雨不如

新法清平那有此老身窮苦自招渠無人可訴烏銜肉
多難憑犬寄書自笑迂疎昔此類區區猶欲理蝗餘霜風
漸次近重陽眉眉溪邊野菊黃久廢山行疲犖确尚堪村
醉舞淋浪獨眠林下夢魂好回首人間憂患長殺馬毀車
從此逝子來何處問行藏

按咸淳志謂此嶺在縣南二十五里後志多承襲之惟

嘉靖浙江通志與

大清一統志同

楊嶺 在縣西南二十五里高一百二十丈接昌化縣界

縣北三十里亦有楊嶺高一百二十丈北抵天目眉山西

北達江南寧國驛路萬歷舊志

黃嶺 在縣西二十里咸淳志嶺高二十五丈成化舊志

杭州府志

卷二十一

山川

五

蘆嶺 在縣西二十里迤南曰金雞嶺北曰羅紋嶺謂之

三嶺皆與昌化接界大清一統志金雞嶺去縣西南三十里

高五十丈羅紋嶺去縣西北五十里高四十丈成化舊志

桐嶺 在縣西四十里咸淳志在縣西北五十里高一百五

十丈萬歷舊志

千秋嶺 在縣西北五十五里天目山支麓也接江南寧

國縣界五代梁乾化三年淮南將李濤出千秋嶺攻吳越

錦衣軍卽此宋南渡後亦置兵戍守大清一統志嶺高三百

丈其南尤險狹讀史方輿紀要晁補之千秋嶺上詩永

曲隨飛雲薄山腰過雨低陰厓不可度誰此借長

梯沈與錄

宿千秋嶺下田家詩陰壑來悲風薄暮催

急雨冥冥攬寒色咫尺暗山路茅簷雨三家曲澗紫竹塢
停車遣問訊欲止此何許老翁行步弱扶杖倚門戶問我
官何忙野宿今無所向夜號狐狸深林嘯豺虎甘心在擇
肉闔首輒憑怒駕言往何之一榻翁敢拒延我傍中堂殷
勤慰良苦解衣土銼旁支枕憇行旅昏然飽安眼境寂絕
猜怖雞聲報明發征車犯寒去呼燈別老翁鼻息方栩栩
已去去天纔尺五却今緩步有躋攀飛泉百道縈羅帶列
岫千峯擁翠鬟應是北堂
春正滿幾回回首望家山

巖嶺 在縣北五里五季中錢氏以日者言其地有王氣

故鑿之 咸淳志

金門嶺 在縣北二十五里通天目仙源 咸化舊志

水凝嶺 在縣東北九十里高三百丈接安吉州界 大清

一統志

杭州府志 卷二十一 山川 六

皇甫巖 在縣東後漢皇甫嵩嘗破妖賊許生于此故名

大清一統志 去縣東十五里近平越城嵩破許生于此民懷

其德以巖紀姓示不忘也 咸化舊志

白馬巖 在縣南六十五里兌村絕頂有龍池旁有石巖

袤百餘丈色如白馬故以名其巖 咸淳志

太陽巖 去縣西南二十五里其岡自浪山蜿蜒而來傑

然卓出每東方啟明晴光先照絕頂相傳徐伍二仙服日

于此又名朝青巖 咸化舊志

煉丹巖 在縣西十五里西菩山之右天目之支峰也石

色赭赤因以名焉巖下石室可坐數人室旁有泉出自石

竇名丹井井旁有石隆然如曲突狀名丹竈嘉靖於潛縣志

盧山巖 在縣西北十五里巖頂方丈餘皆磚甃其上時

有音樂聲聞里餘久晴聞之則雨久雨聞之則晴村人以

時祭之咸淳志

按縣志作蘆山巖

大鳴巖 在縣西北三十五里相去半里又有小鳴巖咸淳志

舊志

烏時巖 烏時巖青時巖白時巖皆去小明巖十里三巖

相望咸淳志

燈巖 在教口層厓疊巖上元夜土人列燈巖間望之如

杭州府志 卷二十一 山川 七

列星於潛縣志

按教口當卽叫口縣北嘉德後鄉叫口村是也與金門

分水二嶺相近去縣治約二十五里

大陽巖 在縣北三十五里寨村東巖獨高峻四圍甃石

如城鄉老言錢氏屯軍于此咸淳志下同

按大陽巖與太陽巖並詳潛志大太字本不同于方位

又異夏氏府志以此作大鳴者似非

紫微巖 在天目西麓俗呼為紫草巖咸淳志

按萬歷志云俗呼紫莫巖應卽紫草之訛又微或作薇

翠微巖 在天目倚翠亭後上有翠竹蒼松奇花異木萬歷